

Հ Ա Յ Տ Ա Ր Ա Ր ՈՒ Թ Յ ՈՒ Ն N 206

**Համայնքային ծառայության կադրերի ռեզերվում գրանցված անձանց ՀՀ տարածքային կառավարման և ենթակառուցվածքների նախարարությունը տեղեկացնում է ժամանակավոր թափուր պաշտոնի վերաբերյալ**

**Հայաստանի Հանրապետության Գեղարքունիքի մարզի Վարդենիսի համայնքապետարանի աշխատակազմի աշխատակազմի կրթության, մշակույթի, սպորտի, երիտասարդության և սոցիալական աջակցության բաժնի գլխավոր մասնագետի**

**(Ժածկագիր՝ 2.2.3)**

ա) կատարել տնային այցելություններ, անհրաժեշտության դեպքում ուսումնասիրել սոցիալական աջակցություն ստանալու նպատակով դիմած կամ դրա կարիքն ունեցող անձանց (ընտանիքների) սոցիալական և նյութական պայմանները.

բ) ներկայացնել առաջարկություններ սոցիալական աջակցության ծրագրերի ձևավորման և դրանց կատարելագործման վերաբերյալ.

գ) պարզել սոցիալական աջակցություն ստանալու նպատակով դիմած քաղաքացիների ներկայացրած փաստաթղթերի հավաստիությունը՝ դրանք տրամադրած մարմիններում և կազմակերպություններում կամ սոցիալական ծառայություններին հասանելի տեղեկատվական շտեմարանների միջոցով.

դ) տալ առաջարկություն տվյալ ընտանիքին սոցիալական աջակցություն տրամադրելու հարցը «Սոցիալական աջակցության մասին» Հայաստանի Հանրապետության օրենքով սահմանված խորհրդի և աջակցող ցանցի քննարկմանը ներկայացնելու համար.

Բաժնի գլխավոր մասնագետը պարտավոր է՝

ա) պաշտպանել սոցիալական աջակցություն ստացողի իրավունքներն ու օրինական շահերը.

բ) դիմումների, փաստաթղթերի, տեղեկությունների, տեղեկատվական համապատասխան բազաների ուսումնասիրության, տնային այցելությունների, մամուլի և զանգվածային լրատվության այլ միջոցներից ստացված ահազանգերի և Հայաստանի Հանրապետության օրենսդրությամբ չարգելված այլ միջոցներով հայտնաբերել և հաշվառել իր սպասարկման տարածքում բնակվող կյանքի դժվարին իրավիճակում գտնվող անձանց, ընտանիքներին և այլ սոցիալական խմբերին, իրականացնել կարիքների նախնական գնահատում համապատասխան ձևաթղթով՝ համագործակցելով սոցիալական աջակցության տարածքային գրասենյակի հետ, ինչպես նաև անհրաժեշտության դեպքում աջակցել կյանքի դժվարին իրավիճակում գտնվող անձանց, ընտանիքներին և այլ սոցիալական խմբերին դիմելու տարածքային մարմին.

գ) գնահատել սոցիալական աջակցություն ստացողի սոցիալական կարիքները.

դ) շահառուի և/կամ շահառուի ընտանիքի անդամների հետ պարբերական հանդիպումների, տնային այցելությունների, փաստաթղթերի ուսումնասիրության և Հայաստանի Հանրապետության օրենսդրությամբ չարգելված այլ միջոցներով իրականացնել սոցիալական դեպքի մշտադիտարկում, արձանագրել շահառուի և/կամ շահառուի ընտանիքի անդամների սոցիալական կարիքների փոփոխությունները, դրանց նվազման կամ աճի մշտումները.

ե) ապահովել սոցիալական աջակցություն ստացողի ներգրավվածությունը և ակտիվ մասնակցությունն իր խնդիրների լուծման գործընթացին, որոշումների կայացմանը՝

զարգացնելով սոցիալական աջակցություն ստացողի սոցիալական հքտությունները և ինքնիրացումը /ինքնորոշումը/, ինչպես նաև նպաստաել նոր ունակությունների ձեռքբերմանը՝ հետագայում խնդրահարույց իրավիճակներն ինքնուրույն հաղթահարելու նպատակով:

զ) բացահայտել, վերհանել, հետազոտել և իր լիազորությունների շրջանակներում կջրառել այն բոլոր հնարավոր ռեսուրսները, որոնք կարող են նպաստել շահառուի (և/կամ վերջինիս ընտանիքի) սոցիալական հիմնախնդիրների լուծմանը, առկա ռիսկերը մեղմելուն, քարտեզագրել այն պետական և ոչ պետական կազմակերպությունները, ծառայությունները, ինչպես նաև սոցիալական հիմնախնդիրների լուծման գործընթացում ներառել այն անձանց, անհատներին (նաև շախառուի համար նշանակալի դեր ունեցող), որոնք կոնկրետ սոցիալական դեպքի հետ կապված կարող են (և/կամ պարտավոր են) տրամադրել հասցեական և արդյունավետ աջակցություն շահառուների և/կամ նրանց ընտանիքներին:

է) կազմել սոցիալական աջակցություն ստացողի անհատական զարգացման ծրագիրը՝ ներգարվելով համայնքի տարածքում գործող աջակցող ցանցի ներկայացուցիչներին:

ը) ձևավորել և/կամ զարգացնել համայնքի տարածքում գործող աջակցող ցանցը, դրա ռեսուրսներն ու հնարավորություններն օգտագործել շահառուի անհատական զարգացման ծրագիրը կազմելու և իրագործելու նպատակով:

թ) համակարգել անհատական զարգացման ծրագրով նախատեսված միջոցառումների իրականացումը, կազմակերպել խմբային (բազմամասնագիտական) քննարկումներ և ուղղորդել սոցիալական աջակցություն ստացողին տարբեր մասնագիտացված կազմակերպություններ՝ իրենց իրավունքների մասին տեղեկանալու, ինչպես նաև դրանք իրացնելու համար:

ժ) ստանձնել միջնորդի դեր շահառուի, համապատասխան կառույցների կամ մարմինների, ինչպես նաև շահառուի անմիջական միջավայրի կամ ոչ ֆորմալ ցանցի միջև՝ նպաստելով նրանց ակտիվ և արդյունավետ համագործակցությանը, ինչպես նաև ստանձնել միջնորդի դեր տարբեր և երբեմն միմյանց հակասող շահեր ունեցող կազմակերպությունների միջև՝ ապահովելով կազմակերպությունների միջև համագործակցությունը և տեղեկատվության փոխանակումը, ինչպես նաև սոցիալական աջակցություն ստացողի օրինական շահերի պաշտպանության առաջնային դերը:

ժա) շահագրգիռ կողմերի հետ մշակել կանխարգելող ծրագրեր՝ ուղղված համայնքներում բացահայտված ռիսկային գործոնների նվազեցմանը, սոցիալական իրավունքների կոլեկտիվ պաշտպանության մեխանիզմների ձևավորման խթանմանը և պաշտպանությանը:

## **Նշված ժամանակավոր թափուր պաշտոնը զբաղեցնելու համար պահանջվում է՝**

- ունի բարձրագույն կրթություն և իրականացնում է սոցիալական աշխատողի մասնագիտական գործունեություն կամ ունի այլ մասնագիտությամբ բարձրագույն կրթություն և ավարտել է «Սոցիալական աշխատանք» մասնագիտության հատուկ ուսուցման դասընթացներ, ստացել է համապատասխան վկայական և ունի սոցիալական ոլորտի աշխատանքի առնվազն մեկ տարվա փորձ:

- տիրապետում է սոցիալական աջակցություն հայցողի, ինչպես նաև ստացողի իրավունքների ու օրինական շահերի պաշտպանությանն առնչվող Հայաստանի Հանրապետության օրենսդրությանը և իր լիազորությունների հետ կապված այլ իրավական ակտերին ներառյալ ՀՀ Սահմանադրություն, «Համայնքային ծառայության մասին», «Նորմատիվ իրավական ակտերի մասին», «Հանրային ծառայության մասին», «Տեղական ինքնակառավարման մասին», «Սոցիալական աջակցության մասին», «Երեխաների իրավունքների մասին», «Առանց

ծնողական խնամքի մնացած երեխաների սոցիալական պաշտպանության մասին», «Կանանց և տղամարդկանց հավասար իրավունքների և հավասար հնարավորությունների ապահովման մասին» Հայաստանի Հանրապետության օրենքները), ինչպես նաև ունի տրամաբանելու, վերլուծելու, խնդրահարույց իրավիճակներում կողմնորոշվելու կարողություն.

- քաջատեղյակ է համայնքում տիրող սոցիալական, միջանձնային հարաբերություններից.
- զգայուն է կանանց, երեխաների, ծերերի, ազգային, սեռական փոքրամասնությունների և այլ գենդերային ու սոցիալական խմբերի առանձնահատուկ իրական կարգավիճակի նկատմամբ.
- ճանաչում է մարգինալացված խմբերի իրավունքները՝ կենտրոնում ունենալով մարդու հիմնական իրավունքներն ու ազատությունները, ինչպես նաև Հայաստանի Հանրապետության Սահմանադրությունը և գործում է այդ սկզբունքներին համապատասխան.
- ունի համակարգչով և ժամանակակից այլ տեխնիկական միջոցներով աշխատելու ունակություն.
- տիրապետում է առնվազն մեկ օտար լեզվի (կարդում, կարողանում է բացատրվել):

Տվյալ ժամանակավոր թափուր պաշտոնի առաջացման հիմքի վերացման ժամկետն է՝ մինչև համայնքային ծառայության թափուր պաշտոնը մրցույթում հաղթող ճանաչված մասնակցի (մասնակիցներից մեկի) կողմից զբաղեցնելը:

### **Դիմումների ընդունման վերջնաժամկետն է՝ 2021 թվականի մայիսի 18-ը ժամը 10:00:**

Ինդրում ենք դիմումներն ուղարկել միայն էլեկտրոնային տարբերակով՝ e-request էլեկտրոնային հասցեին: Համայնքային ծառայության կադրերի ռեզերվում գրանցված անձինք լրացուցիչ տեղեկություններ ստանալու համար կարող են դիմել ՀՀ տարածքային կառավարման և ենթակառուցվածքների նախարարության աշխատակազմ (ք. Երևան, Կառավարական տուն N 3, հեռ. 010 515132):

**ՀՀ տարածքային կառավարման և ենթակառուցվածքների  
նախարարության աշխատակազմ**